



Progettù:

**“FAIDDHÈMU CUN TUTTU LU MUNDU  
FAEDDAMUS CUN TOTU SU MUNDU”**

Finanziàtu da la Regioni Saldìgna cu’ la Legghji 482 di lu 1999, alticculi 9 e 15  
e da la Legghji Regionali 22 di lu 2018.

Annualitài 2022



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**Aziòni “Ciòani VISPI”**

**Bandiu pa’ l’agghjudicamèntu di bònì “voucher”  
pa’ la prattica sportiva**

\* \* \* \* \*

**Dati impultanti inn istrintu**

|  |  |
|--|--|
| Tantu massimu di lu bònu “voucher”     | 250,00 €   |
| Scadenzia pa’ ricìi li dummandi        | La dì 13 di Friàgghju di lu 2023                       |
| Manéra pa’ mandà li dummandi           | Pec o raccumandata a/r                                 |
| Cuntatti sólu pa’ dummandà chjarimènti | <a href="mailto:sardegna@coni.it">sardegna@coni.it</a> |

\* \* \* \* \*

## **1. Discriziòni e finalità di l'agghjutu**

Illu posta in pratica di la Dilibbaraziòni di la Giunta Regionali di la Regione Autonoma di la Saldigna n. 23/11 di la dì 21 d'Agliòla di lu 2022 e di l'Accòldu chi è sigùtu tra la RAS e lu Dipaltimentu di li Politichi Cioanili di la Presidenzia di lu Cunsigliu di li Ministri, e ancóra di l'altu Accòldu chi è sigùtu tra la RAS e lu CONI C.R. Saldigna la dì 15 di Sant'Andrìa di lu 2022, lu C.R. Saldigna di lu CONI, mintuàtu a innanzi, è statu ingarrigatu di puni in pratica l'aziòni chjamata "Ciòani VISPI (Bòni Voucher Iscriziòni Sport pa' l'Inclusiòni)" chi selvi pa' assignà chisti bòni "voucher" pa' l'iscriziòni e la fraccuenza di corsi sportivi pa' ciòani residenti in Saldigna sigundu li réguli e li scadènzì discritti meddhu ill'alticculi chi s'ghini chistu Bandiu.

## **2. Acchitti disponibbili**

L'acchitti finanziari disponibbili destinati a l'assignaziòni di li bòni "voucher" di l'Aziòni "Ciòani VISPI" di la Regione Autonoma di la Saldigna e di lu Fundu Nazionali Politichi Cioanili di lu Statu Italianu sò in tuttu 762.477,12 €.

## **3. Destinatarì e cosa tocca aé**

- a) Sò destinatarì di l'agghjuti li ciòani chi a la datta di presentaziòni di la dummanda s'iani in pussessu di lu chi s'ghi:
- Età cumpresa tra li 14 e li 19 anni cumpri;
  - Residenza inn un Cumuni di la Saldigna cun di mancu di 30.000 abitanti;
  - Redditu ISEE di lu nucleu familiari di appartinenza suttu a li 12.000 €;
- b) Illu prisumu di nuclei familiari undi vi s'iani più ciòani in pussessu di lu chi selvi mintuàtu illu puntu a), si podarà prisintà la dummanda di partecipaziòni pa' unu nummaru massimu di dui ciòani cumpunenti. Altu ciòani cumpunenti in pussessu di lu chi selvi pa' fà la dummanda pòni esse pòsti illa graduatoria tra li chi sò "in pussessu ma no beneficiari" da undi poi si podarà piddhà illu casu di mancata assignaziòni di tutti l'acchitti disponibbili cu' la graduatoria di li chi sò in pussessu e beneficiari.

## **4. Entità e destinaziòni di lu bònu "voucher"**

- a) Lu bònu "voucher" pa' lu beneficiariu è destinatu a fà attività sportiva dilettantistica carragghjendi li costi di iscriziòni e di fraccuenza finza a a la concorrenza di lu tantu massimu di 250,00 € pa' dugna beneficiariu.
- b) L'attività sportiva dilettantistica mintuàta illu puntu a innanzi si pò fà sòlu in Società Sportivi o Associazioni Sportivi Dilettantistici in régula cun l'affiliaziòni in Federazioni Sportivi Nazionali (FSN), Disciplini Sportivi Assuziati (DSA) o Enti di Promozioni Sportiva (EPS) ricunnotti da lu Comitatu Olympicu Nazionali Italianu (CONI) o da lu Comitatu Italianu Paralimpicu (CIP).

## **5. Manéra di presentaziòni di la dummanda**

La dummanda, anda fatta innantu a lu modellu allegatu a chistu Bandiu, no veni accittata

siddhu no è cumpilata in dugna palti, sottuscritta sigundu la manéra di inviu sciuaràtu a innanzi da lu sugghjettu chi à la podestài genitoriali o da lu sugghjettu chi lu pó fa siddhu à cumpritu li 18 anni, agghjunghjendi la ciltificaziòni ISEE vàlita e li documenti di identitài di li chi àni fattu la dummanda e à d'arrià a lu CONI C.R. Saldìgna primma e no dapói di mezanotti mancu 1 minuttu (23:59) di la dì 13 di Friàgghju di lu 2023 illa manéra chi sighi:

- Cun raccumandata a/r in busta chjusa scrièndi a palti di fóra l'inghjittu "Bandiu Cìdani VISPI" illa sedi di lu CONI - Cumitatu Regionali Saldìgna chi s'agatta in: CONI – C.R. Saldìgna, Carréra Bonaria n. 66, 09125 – Castéddhu;
- 
- Mandendi la dummanda in manéra telematica in PDF sottuscritta a lu 'ndirizzu Pec: sardegna@cert.coni.it Lu fattu chi li documenti arréini lestri, è un arriscu sólu di ca' li manda. Venaràni presi in cunsidéru sólu li dummandi arriàti a lu CONI primma di la datta impustata; dapói di chista datta no venini accittati altu dummandi, ancóra siddhu mandati primma di la scadenza impustata o ancóra siddhu so in cambiu di chissi prisintati in tempu.

## 6. Crittéri di fulmaziòni di li graduatori

Una 'òlta cumpritu lu tempu di presentaziòni di li dummandi mintuàti ill'altficculu a innanzi, lu CONI C.R. Saldìgna cumenciarà l'avvilguamentu di li dummandi pa' fulmà la graduatoria di li chi sò affattenti beneficiari di lu bònu "voucher" e di l'affattenti no beneficiari.

Cun lu scòppu di fulmà li graduatori mintuàti a innanzi, di pudé dapói spalti l'acchitti mintuàti ill'altficculu 2 tra li sugghjetti chi àgghjini prisintatu, in irrégula, la dummanda a chistu Bandiu, si pruzzedarà, illu rispettu di li dispusiziòni inghjittàti illa Dilibbaraziòni di la G.R. n. 23/11 di la dì 21 d'Aglióla di lu 2022, a difilmìnu di lu tantu spettanti a dugnunu sigundu li crittéri chi sighini:

- a. Oldini inn alzata di redditu ISEE;
- b. Illu casu di mattèssi redditu ISEE, venarà data prioritài inn oldini in falata sigundu lu nùmmaru di cumpunenti di lu nucleu familiari chi póni fà la dummanda mintuàti ill'altficculu 3;
- c. Illu casu di mattèssi nùmmaru di cumpunenti chi póni fà la dummanda comu inghjittàtu illu puntu b), venarà data prioritài a li cìdani candidati piú minóri di 18 anni (calcolata in ciurràti). Illu casu di istanzia chi dummanda lu cuntribbuttu pa' piú cumpunenti, vèni tinuta in cunsidéru la summa di l'età inghjittàta in ciurràti pa' li cìdani candidati pa' lu cuntribbuttu e vèni posti in graduatoria li candidati inn òdini inn alzata sigundu l'età/summa di età.

## 7. Pubblicaziòni di li graduatori

A cumprimentu di li graduatori, sigundu li crittéri mintuàti ill'altficculu 6, li mattèssi venaràni publicati sólu innantu a lu sittu internet di lu CONI C.R. Saldìgna.

Pal chissu, dugna candidatù à d'avvilguà illu sittu web ufficiali di lu Cumitatu Regionali di lu CONI mintuàtu a innanzi (<https://sardegna.coni.it>) palchè no venarà mandatu avvisu

passòna pa' passòna.

Altu opposizioni podaràni esse prisintati cun li mattèssi manéri mintuàti ill'alticculu primma di la scadènzia di 10 dì da la pubblicazioni; passatu chistu tempu, li graduatori doaràni esse ritinuti chjusi.

## **8. Avvilgumèntu e cumpùtu**

Lu CONI C.R. Saldìgna podarà puni in ópara un cumpùtu di li dummandi prisintati da li candidati pa' avvilguà la 'iritài di li dichjarazioni fatti. Undi da li cumpùti e da l'avvilgumènti fatti, eschia a fóra lu falzu indrentu a celti dichjarazioni fatti a li sensi di lu D.P.R. n. 445/2000 e ss.mm.ii. o illu casu no s'iani stati mandati tutti li documènti chi selvini o no s'iani bastanti, lu dichjaranti, chena cuntà li garrighi passunali inn òrdini a lu falzu dichjaratu, cascarà lu beneficiu cun l'esclusiòni, chi ni s'ighi, da la prattica e da la graduatoria màccari sia ghjà fulmata.

## **9. Frunimèntu di li bònì "voucher"**

A cumprimèntu di li operaziòni mintuàti ill'alticculu 7 e, dunca, una 'òlta agattati li beneficiari cumpruàti indrentu a lu tantu massimu disponibbili pa' lu frunimèntu di li bònì "voucher", li Societài sportivi e li Associazioni sportivi dilettantistici sciuaràti da li beneficiari mattèssi pa' lu puni in prattica di la prattica sportiva aràni di mandà entru 15 dì a lu CONI C.R. Saldìgna, cun li mattèssi modalitài mintuàti ill'alticculu 5, una scrittura privata di impegnu a fà fidi illa andanzia di la prattica sportiva ricunniscèndi un abbònu finza a 250,00 € innantu a garrighi di iscrizioni e fraccuènzia di li beneficiari ciòani.

La scrittura privata in paràula, di cumpilà innantu a lu modellu allegatu a chistu Bandiu, arà di stà sottuscritta sia da lu legali rappresentanti di la Societài sportiva o A.S.D., sia da lu sugghjèttu chi polta la podestài genitoriali o da lu sugghjèttu chi lu pó fà aèndi cumpritu 18 anni, e chi aia prisintatu la dummanda.

La societài sportiva/ ASD si ingarrighìghja di fà praticà a lu ciòanu beneficiariu a lu più lu mattèssi costu appustatu pa' altu ciòani sportivi chi sò iscritti illa mattèssi societài aèndi di chjarì illa scrittura lu 'alóri di l'abbònu praticatu e li costi di iscrizioni e di fraccuènzia "lordi" di bucani. A lu mattèssi tempu, lu sugghjèttu ingarrigatu di la podestài genitoriali arà di accittà lu cuntribbutu in folma d'abbònu innantu a l'iscriziòni e innantu a lu tantu di fraccuènzia.

Dapói di aè riciùtu la scrittura privata in paràula, lu CONI C.R. Saldìgna pruzzèdarà a dà subbitu lu 'alóri di lu bònì "voucher" ricunnòttu illu mumentu in faóri di la Societài sportiva / ASD sciuaràta a innanzi, sólu pal mezu di bonificu bancariu in faóri di lu c/c intestatu a la mattèssi Societài / ASD.

## **10. Infulmaziòni**

Altu dummandi di infulmaziòni pa' chistu Bandiu podaràni esse mandati a l'indirizzu e-mail [sardegna@coni.it](mailto:sardegna@coni.it)

## 11. Ingarrigàtu di lu pruzzidimentu

Lu 'Ngarrigàtu di lu pruzzidimentu è lu Presidenti p.t. di lu CONI C.R. Saldigna.

## 12. Infulmativa innantu a lu trattamentu di li datti passunali

La RAS, cun sedi legali in Castéddhu, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti di la Giunta Regionali pa' un trèttu di tempu ("Titolari" pa' lu tempu a innanzi), in galitài di titolari di lu trattamentu pal mezu di lu Direttori Generali pa' un trèttu di tempu, delegatu di lu Titolari pa' lu trattamentu di li datti liàtu a li procedimenti in garrigu a la Direziòni Generali di la Pubblica Istruziòni, a li sensi di lu Deccrettu Presidenziali n. 48 di la dì 23 di magghju di lu 2018, infolmani a li sensi di l'alticculi 13 e 14 Regulamentu UE n. 2016/679 (divintatu dapói, "GDPR") chi li datti venaràni trattati cun li manéri e pa' li scòppi chi s'ghini.

### *Oggettu di lu Trattamentu*

Lu Titolari tratta li datti passunali e/o idintificativvi (nommu, sangunìghju, indirizzu, teleffonu, e-mail, indirizzu pec, riferimèti bancari e di pacamentu, dichjaraziòni ISEE, codici fiscali, documenti di idintitài ecc. tutti datti di beneficiari candidati a esse cunfolmi a lu cuntribbuttu e sugghjetti dichjaranti liàti chi àni la podestài genitoriali e chissi di li legali rappresentanti di li societài sportivi o associazìoni sportivi misciati ill'agghjutu), pa' li finalitài di assignaziòni di li bòni "voucher" e illu ramu di la gestioni di lu pruzzidimentu liàtu da lu CONI e da la REGIONI, dapói chjamàti "datti passunali" o ancóra "datti".

### *Finalitài e basi ghjuridica di lu trattamentu*

Li datti passunali vèni trattati a li sensi di l'alticculu 6 littara e) di lu GDPR palchì lu trattamentu è ministéri pa' lu puni in prattica un compitu di intarressu publicu o liàtu a lu puni in prattica di poteri pubblici undi è invistutu lu fitulari di lu trattamentu e no è, dunca, ministéri accapità li cunsensi di li intarissati. Li réguli di la pruzzidura s'agattani illa siziòni di l'avvisu, chi sarà sigùtu da lu CONI e cuntinarà chista infulmativa.

Lu trattamentu venarà trattatu illu s'ghì li finalitài chi s'ghini: gestìoni di li pruzziduri rifferuti a l'avvisu publicu, predisposiziòni e pubblicaziòni di li graduatori, gistiòni di lu cuntribbuttu e assegnaziòni, avvilguamèntu, cumpùtu, attivitài di "audit", cònti.

### *Manéri di trattamentu*

Lu trattamentu di li datti passunali è cuntiviciatu pal mezu di l'operaziòni inghjittàti ill'alticculi 4 n. 2 di lu GDPR e di prizzisu: accapità, riggistrà, l'organizzazione, la appustà, adducà, adattà o mutà, tustà, cumputà, trattà, la cumunicaziòni pal mezu di la trasmissiòni, la diffusiòni o cassisia altu folma di posta a dispusiziòni, lu cunfrontu o l'interconnessiòni, la custriziòni, lu turrà a nuddha o lu strimèntu.

Li datti passunali sò sugghjetti a trattamèntu sia in papéri, sia elettronicu e/o automatizatu e venaràni assintati e adducati ill'archiviu di la Direziòni Generali di la Pubblica Istruziòni di l'Assessoratu di la Pubblica Istruziòni, Beni Culturali, Infulmaziòni, Spettaculu e Sport cun riferimentu a la finalitài di lu pruzzidimentu di assegnaziòni di li bòni "voucher". Lu Tittulari trattarà li datti passunali pa' un trèttu di tempu di 10 anni a plfì da la datta di cumprimèntu di la prattica e inn una folma chi venghia bè a idintificà li passòni intarissati sòlu pa' lu trettu di tempu nizissariu pa' lu cunsighimentu di li finalitài chi sò stati assintati o, infattu, trattati li datti.

In cambiu, pa' lu trattamèntu di li datti pa' l'archiviaziòni illu 'ntarèssu publicu, di cilca scientifica o storica o a lu scòppu statisticu, a li datti venarà applicatu l'alficculu 89 di lu GDPR, e, undi sia pussibbili chèna preghjudicà in manéra grài o rindi impussibbili lu cunsighimentu di chisti finalitài, venaràni agghjunti pruvvidimènti tecnici e organizzativvi cun lu fini di garanti lu prinzipiu di la minimizzaziòni di li datti.

#### *Pa' trattà li datti*

Li datti podaràni esse libbari a intrà pa' li finalitài di assignaziòni di li bòni "voucher" e rendicontaziòni a dipendenti e collaboradóri di lu Titolari o di altu Responsabili di fóra di lu trattamèntu, illa só' galitài di cumpruàti pa' lu trattamento e/o di amministradóri di sistema.

#### *Comunicaziòni di li datti*

Lu Titolari podarà mandà li datti pa' li finalitài di assignaziòni di li bòni "voucher" e rendicontaziòni a altu paltiziòni amministrativi di la Regioni Autonoma di la Saldìgna, com'e Autoritài di Gistiòni di li fundi, Uffici impustati a li cumpùti di l livellu, Uffici impustati pa' attivitài di "Audit", Uffici preimpustati pa' l'attivitài di gistiòni cuntabbili e di bilanciu ecc. e ancóra a chissi sugghjetti, ancóra di fóra di la Regioni, chi pal chissi la comunicaziòni sia d'ubbrìcu pa' legghji o venghia fatta dapói di autorizaziòni infini di lu Titolari pa' lu trattamento pa' pultà a innanzi li finalitài mintuàti a innanzi.

#### *Trasferimentu datti*

Li datti passunali vènini adducati innantu a lu server di la Regioni Autonoma di la Saldìgna e ill'archivio in papéri, indrentu a l'Unioni Europea o illi server di lu Coni.

#### *Tippu di lu cunferimentu di li datti e cunsighenzi di lu rifiutu di rispondi*

Lu cunferimentu di li datti passunali è d'ubbrìcu palchì nizissariu a lu scoppu di l'andanzia di l'attività liàti a lu pruzzidimèntu e, siddhu cumbìna, di l'opposiziòni o dummanda di cancellaziòni da palti di l'interissatu cumpolta l'impossibilitài di paltizzipà o pultà addananzi la pruzzidura.

### *Dritti di lu 'ntarissatu*

Li 'ntarissati àni li dritti mintuàti ill'alticculu 15 GDPR e più infini:

- di aé lu cumpróu di l'esistenza o no di datti passunali chi so liàti, puru siddhu no sò ancóra riggistrati, e la só' comunicaziòni in folma intelligibili;
- di aé lu 'nghjittu:
  - di l'origini di li datti passunali;
  - di li finalitài e manéri di lu trattamèntu;
  - o di la logica applicata in casu di trattamèntu fattu cun l'agghjutu di strumenti elettronichi;
  - di l'estremi identificativi di lu titolari, di li 'ngarrigati e di lu rappresentanti inghjittatu a li sensi di l'alticculu 3, comma 1, GDPR;
  - di li sugghjetti o di li categorii di sugghjetti undi póni esse comunicati li datti passunali o che possini 'innenni a sapé sendi rappresentanti inghjittati illu firittóriu di lu Statu, di responsabbili o ingarrigati;
- di aé:
  - l'aggiornamentu, la rettifica o, candu selvi, l'agghjunta di li datti;
  - la cancellaziòni, lu mutamèntu in folma anonima o lu felmu di li datti trattati andèndi fóra régula di legghji, cumpresi chissi undi no è nizissariu adducalli sigundu li scoppi chi li datti sò stati accapitati, o dapói, trattati;
  - l'attestaziòni chi l'operaziòni mintuàti illi littari a) e b) sò stati fatti sapé, ancóra pa' lu chi cuntèni, di chissi chi li datti sò stati comunicati o bandiati, salvu lu casu undi chissu adempimentu si mostra impossibili o cumpolta un trattugnu di mèzi fóra misura cunfolma a lu drittu tutelatu;
- di oppunissi, in tuttu o in palti pa' muttìi legittimi a lu trattamentu di li datti passunali aiddhi rifferuti, liàti a lu scoppu di accapità li datti mattessi;

Undi si pó applicà, àni ancóra li dritti mintuàti ill'alticculi 16-21 GDPR (Drittu di rettifica, drittu a l'olvidu, drittu di limitaziòni di trattamèntu, drittu a la poltabbilitài di li datti, drittu di opposiziòni), comu puru lu drittu di cuntestaziòni a l'Autoritài Garanti.

### *Manéra di palisà li dritti*

È pussibili in cassisia mumentu palisà li proppi dritti mandèndi:

- una raccomandata a/r a Regioni Autonoma di la Saldigna, Assessoratu di la pubblica istruzioni, beni culturali, infulmaziòni, spettacculu e sport, Direziòni Generali di la Pubblica Istruzioni, Silvìziu Politichi scolastici, Carréra manna Trieste, 186, Cagliari;
- una PEC a lu 'ndirizzu: [pi.dgistruzione@pec.regione.sardegna.it](mailto:pi.dgistruzione@pec.regione.sardegna.it).

### *Rifirimènti e cuntatti di lu titolari, responsabbili e ingarrigati*

A li sensi di lu Regulamentu (UE) 2016/679 riferutu a lu galdà di li passòni fisichi, più infini, a lu

trattamentu di li datti passunali e ancóra a lu libbaru anda e torra di chissi datti, lu Titolari di lu trattamentu è la Regioni Autonoma di la Saldigna, cun sede legali in Cagliari, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti pa' un trèttu di tempu di la Giunta Regionali; Lu 'ngarrigatu da lu Tittulari pa' lu trattamentu di li datti didicati a li pruzzidimenti in garrigu a la Direziòni Generali di la Pubblica Istruziòni è lu Direttori Generali pa' un trettu di tempu, cunfolma lu Decrettu Presidenziale n. 48 di la dì 23 di magghju di lu 2018,

mail: pi.dgistruzione@regione.sardegna.it,

pec: pi.dgistruzione@pec.regione.sardegna.it,

tel: 070/6064941.

Lu 'Ngarrigatu pa' galdà di li datti di la Regioni Autonoma di la Saldigna, numinatu cun Deccrettu Presidenziali n. 47 di la dì 23 di magghju di lu 2018, podarà esse cuntattatu a li cuntatti chi s'ghini:

[rpd@regione.sardegna.it](mailto:rpd@regione.sardegna.it),

pec: rpd@pec.regione.sardegna.it,

tel: 070606573



